


重修慈利縣志

史編
文獻

2020.2.19
25
24



8

重修志利縣志序



國有史邑有志其名雖殊其義則一
粵稽周禮小史掌邦國之志外史掌
四方之志志之統於史也久矣班孟
堅倣龍門續漢書紀傳各體外作本
志十篇後世史家咸宗之而撰志者
復則倣全例事無不載是非勸懲盡

重修志利縣志序

卷首

李序

一

寫其中故志體卽史體也第志專詳
已往而年久必待重輯重輯之功固
較易於創始而亦有難焉者舊志完
備斯善矣其或者据未確說舛頻仍
或採訪未周臆度牽載則重輯之功
與創始等若附會舊文補綴新事衷
集成編以爲修志遂在於是何以信

今傳後哉嘉慶丙寅歲余恭膺

簡命承乏慈陽下車之日卽索邑乘觀之
不可得旣而吏呈一卷落落數十頁
未見詳悉閱序文乃康熙二十四年
纂修一統志檄徵郡縣呈繳志書則
此志出於造次應命之作無怪乎其
匆率若斯夫慈固古疆域也論建置

則自秦漢以逮元明或爲郡或爲州
縣或爲衛所割井不一論形勝則山
有雷嶽星峯之秀拔川有澧江澗水
之潏洄風土則舊號淳樸物產則素
稱豐饒湖選舉於前代科甲蟬聯考
仕官於先朝位望鼎重忠孝節義世
不乏人金石碑銘代傳其蹟舉凡志

乘應載之端皆當條分縷析以備掌
故胡可州率爲也且自修志後迄今
已百餘年欣逢

聖相繼重熙累洽治績土風日新月異加
以

聲教洋溢谿崗內附衛所改營改縣都
區賦役隨在分撥非詳晰而繼續之

將舊志愈就散軼而後事漸失傳聞
豈非闕典乎余每欲倡議舉行公事
碌碌未遑及也時邑明經月川皇甫
君者品端學優殫心考稽恣意延訪
每與談論邑乘原原本本確鑿可據
爰聘入署內專司筆削公餘之暇參
互考訂辨其錯誤拾其遺漏次其增

補越三載始脫稿分門別類綱舉目
張瞭如指掌燦若列眉體則倣諸史
而功實同乎創上足以供輶軒之採
中足以資邑宰之治下足以備士民
之考鑒其裨於一邑豈細故哉時方
與都人士謀繕資斧壽諸梨棗以傳
不朽適奉

各上憲續輯全省通志檄徵梓本爰集
紳耆而勸諭之而都人士莫不踴躍
爭先共襄盛舉閱數月而工竣予旣
喜邑志之觀厥成而又足以仰副
上憲鼓吹休明之鉅典也於是乎序

告

嘉慶二十二年歲次丁丑孟冬月上

澣之吉

賜進士出身湖南直隸澧州知慈利縣事

晉陽李約撰



重修慈利縣志

卷首

李序

五

重修慈利縣志叙

嘉慶丁丑黍鐸茲邑甫蒞任鄉先生
卽以慈利志屬訂而索序於余余惟
作史莫難於志作者難而序者亦難
必深悉乎山川之險夷人物之衰盛
政教之得失風俗之淳澆以及沿革
廢興之原委賦役兵屯之多寡而尤

必寬以歲時與作者商其去就酌其
煩簡刊疑考信以衷於一是余初至
者也履齒多未歷耳目亦未周卽向
書役索舊志亦卒不可得又安能以
倉皇之心妄叙慈邑之志哉雖然宰
是邑者吾戊辰房薦李嘉麓師晉陽
名進士也特聘邑名宿皇甫月川先

生主持其事歷有年矣生長茲土則
考訂必精齒學兼優則裁制必當而
又經吾師公餘研討權衡損益於其
閒則是書之信今傳後不至如腐史
之謬於聖人可知也我來何遲竟未
獲隨諸君子之後共襄盛舉洵憾事
矣儻千百年後考斯志而善之不明

率連得書之義而重疑余亦與有力
焉因衆人之資藉秉筆之才俾得共
分末光豈不甚幸而覺非余之所敢
當也夫余固初至者也書旣成卽以
其意告後之覽斯志者

嘉慶二十有二年歲次丁丑仲夏月
教諭長沙倬山黃維翰謹叙



續修慈利縣志叙

邑必有志志者所以誌一方之山川
土田人物風景及一切盛衰興廢沿
革事實是故考核不精非志也紀載
不確非志也凡以信今傳後非徒耀
一時之耳目也慈邑上界辰永下通
沅澧輿圖廣矣秦漢以來或置縣或

置郡或置州沿革不一

國朝雍正八年割慈利地之界桑植司
者設桑植縣界容美司者設鶴峯州
雍正十三年又以屯田散布不便輸
將分慈利地之近永者別爲永定縣
庶幾便於管轄鼎自癸酉二月抵任
詢及舊志係康熙二十四年纂修而

攷其所載類多畧而不詳月川皇甫
郡邑名士也博識疏通才猷鍊達自
己酉選拔入都回籍候補凡邑中
文武兩廟書院考棚或補或修俱經區
畫鼎每於公暇與月川商及志乘則
已考核多年雖銳意重修志猶未逮
去夏奉

各上憲續修道志檄徵各邑彙卷申賫
則縣志可以乘便而修 邑侯李公
嘉麓以進士任慈邑十餘年知月川
甚悉於是自綜其成而亟請月川董
其事閱八月而編牒已就時月川以
全稿囑予較定予逐一詳觀其志山
川也經緯不紊志田賦也分毫不漏

志人才則採訪必真志物產則纖悉
不遺至於學校廟祠官署以及忠孝
節義名宦流寓靡不至詳且悉厥功
詎不偉與予蒞茲五年矣間嘗歷嵩
梁之峻躡西陵之險陟金巖之巔登
五雷山之高窮燕子洞之深邃慈邑
形勝得其大概茲閱志乘所載不啻

瞭如指掌月川之有功於名教也豈
淺鮮哉以是而載之書月川其以予
言爲然乎否

皆

嘉慶二十二年歲次丁丑菊秋月上
澣之吉訓導九峯向魁鼎謹叙



重修慈利縣志卷之首

凡例

一縣志自崇正後屢遭兵燹幾乏片紙隻字之存康熙二十四年纂修一統志徽徵邑乘幸有朱公哲卿手寫底本抄錄呈上未見詳悉也康熙四十九年邑侯馬世驥復加增訂迄今又百餘載前志殘缺後事積累亟需補續謹按湖南通志岳州舊志澧州志林參考全史稽查縣冊訪問遺老彙成一編其舊志所載缺者補之訛者正之務期確鑿以

重修慈利縣志

卷首

凡例

一

昭信實

一地輿圖舊志模糊新板亦未明析茲分繪數圖庶建置沿革都區道里瞭若指掌

一九谿原有衛志故縣志從畧今改營歸縣一切事蹟俱附各條目分載其衛志遺漏錯誤者概爲增補訂正

一山川古蹟凡先儒傳註載在慈境者今雖撥歸隣封仍存名目註明今屬某縣俾考古者知所稽訪焉

一地丁賦役舊志全載今分設州縣裁撥各殊其徵
收存解款項俱照新頒賦役全書備錄

一職官舊志載文而不及武以衛各有志也今自設
衛以後守備以上一體開載又考各廟古碑有舊
志未載文武官名悉爲補續

一名宦所以表賢良厲官箴也舊志所載不敢增損
後有治績懋昭遺愛弗誼未經詳請者謹錄其事
於本官名下以俟表揚

一省志州志將九谿人物俱載入安福縣考明設安

重修慈利縣志

卷首

凡例

二

福所在慈西二百四十里今改爲桑植縣新設安
福縣在慈東南百里外係分九永澧州衛所屯田
今九谿撥歸慈利所有人物實在慈境者不應概

屬安福特釐正之

一忠臣孝子扶植綱常表厲風俗例得特書舊志既
悉載之後有已蒙 旌表及行誼彰著未經詳請
者應行補續

一婦女貞行苦節例應 旌表其有世遠年湮子孫
式微年例已符阻於時勢不及仰邀 旌典并後

來應行舉報爲地方同見共知者核訪既確悉予
登載

一世襲千百戶應載始封姓名以誌勤勞今其子孫
遷移星散殊難周知僅自雍正十三年改土歸流
姓名誌之其後承襲紛紛非行誼表見鄉里者不
能備載

一現在官長不置贊詞恐阿所好至現在紳士非事
跡彰著爲當路所旌獎者亦不立傳如概行掄提
或未足爲定論也

重修慈利縣志

卷首

凡例

三

一藝文舊志散軼搜葺靡從其僅存者忍敢遺諸若
近來著作繁多必有關於山川古蹟人心風俗者
乃備採擇其他閒章雜詠雖繡虎雕龍敲金戛玉
概不敢錄

重修慈利縣志目錄

卷首

序文

凡例 目錄 修志姓氏

卷之一

星野一

分星圖 天文考 星占

地輿圖二

舊境歷代建置全圖 今境山川形勢圖

重修慈利縣志

卷首

目錄

一

都區分撥圖 舖塘道里圖

九谿營形勢圖

建置沿革三

歷代史考 附表

疆域四

路程 八方界至 坊廂 都區分撥地名

卷之二

山川五

峯 巖 洞 澧水 澧江 溪澗 原泉

堰塘 形勢 景致 古蹟

風俗六

冠 儀注圖 婚 喪 祭 時節 習尚 占候

物產七

五穀 蔬 木 草 禽 獸 鱗 介

昆蟲 貨財

城池八

縣城 九谿營城 附古城 坊表 街巷 九谿附

鄉市

重修慈利縣志

卷首

目錄

二

津梁九

官渡 義渡 田地 橋梁

公署十

縣 學 廳 汛 巡司 行署 九谿營

遊府署 守備署 存城千總署 演武廳

卷之三

戶口十一

戶口 附 養濟院 普濟堂 育嬰堂

田賦十二

田地 丁徭役 稅課 存解款項

積貯十三

常平 社穀 兵穀 倉廩

學校十四

學宮 書籍 學額 鄉會貢生廩生資費

鄉飲酒禮

附儀注圖 舉行姓名

義學

書院

田地租稅

學田 武廟田地

卷之四

秩祀十五

重修慈利縣志

卷首

目錄

三

文廟 歷代享祀從祀考 各位祭品儀注

祭器 樂器 聖誕

文昌閣 魁星樓 神誕

武廟 崇聖祠 聖誕 火神廟 龍神祠

先農壇 城隍廟 神誕 風雲雷雨壇

山川社稷壇 雩壇 附祈晴 霜降 旗燾

邑厲壇 以上分載祭品儀注

武備十六

兵制 塘汛 舖遞 附關隘